

唐書合鈔

唐書卷第二十三

本紀三

昭宗

昭宗聖穆景文孝皇帝諱晔懿宗第七子母曰惠安太后王氏以咸通八年二月二十二日生於東內十三年四月封壽王名傑乾符四年

新書三年誤

授開府儀同三司

幽州大都督幽州盧龍等軍押奚契丹管內觀察處置等使帝於僖宗母弟也尤相親睦自艱難播越嘗隨侍左右握兵中要皆奇而愛之文德元年二月僖宗暴不豫時初復宮闈人心傾矚遽聞被疾軍民駭愕及大漸之夕而未知所立羣臣以吉王最賢又在壽王之上將

立之惟軍容楊復恭請以壽王監國三月六日宣遺詔

立爲皇太弟改名八日乙柩前卽位時年二十二以司

空韋昭度攝冢宰己丑見羣臣始聽政帝攻書好文尤

重儒術神氣雄俊有會昌之遺風以先朝威武不振國

命淒微而尊禮大臣詳延道術意在恢張舊業號令天

下卽位之始中外稱之夏四月戊辰朔庚午追諡聖母

惠安太后曰恭獻新書作憲○韋昭度爲中書令孔緯

潘守戸部尚書乙亥河南尹張全義以兵襲李罕之於河陽罕

之出據澤州魏博衙軍殺其帥樂彥禎於龍興寺又擊

樂從訓敗之從訓以殘衆保洹水爲羅宗弁陷其城而

殺之壬午

新書戊辰

蔡賊孫儒兵陷揚州楊行密潰圍而出

據宣州

新書奔廬州

孫儒自稱淮南節度使仍率其眾攻宣

州

成汭陷江陵自稱畱後辛卯朱全忠及秦宗權戰於蔡州敗之

五月丁酉朔制以宣

武軍節度使檢校侍中沛郡王朱全忠為蔡州四面行

營兵馬都統

新書在正月癸亥

自秦賢石璠敗後蔡賊漸弱時

溥方為全忠所攻故移溥都統之命授全忠壬寅蔡賊

將僞署荆襄節度使趙德諲遣使歸朝願討賊自效乃

以德諲為

忠義軍節度使

蔡州四面行營副都統德諲遂以荆

襄之兵屬全忠六月丁卯朔

閬州防禦使王建陷漢州執刺史張頓遂寇成都

以川賊王建大亂劍南陳敬瑄告難制以開府儀同三

司守司空門下侍郎同平章事太清宮使宏文館大學  
士延資庫使上柱國扶陽郡開國公食邑二千戶韋昭  
度檢校司徒門下侍郎同平章事兼成都尹劍南西川  
節度副大使知節度事兼兩川招撫制置等使蔡州行  
營奏大破賊於龍陂進軍以逼賊城秋七月丙申朔澤  
州刺史李罕之引太原之師攻河陽爲汴將丁會所敗  
退還高平九月乙未汴將朱珍敗時溥之師於堽橋遂  
陷宿州自是溥嬰城不敢復出汴將胡元琮急攻蔡州  
表孔緯兼冬十月陳敬瑄反十一月丙申秦宗  
國子祭酒權陷許州執忠武軍節度使王縝十二月  
甲子朔蔡州牙將申蕞執秦宗權擣折其足乞降新書  
在十

一月辛酉詔中使宣諭便以叅權知畱後比中使至別將郭

璠殺申叅

新書在龍紀元年正月壬子

纂宗權繫送汴州蔡申光等

州平詔賜蔡州行營兵士錢二十五萬貫令度支逐兵

支給

丁亥韋昭度爲行營招討使及永平軍節度使王是建討陳敬瑄山南西道節度使楊守亮陷夔州

是

月葬僖宗於靖陵

新書在十月辛卯

龍紀元年春正月癸巳朔上御武德殿受朝賀宣制大

赦改元中外文武臣僚進職頒爵有差以劍南西川節

度兩川招撫制置使韋昭度檢校司空東都畱守

案新書陳

敬瑄傳在大順二年二月赦敬瑄後此疑誤

以翰林學士承旨兵部侍郎知

制誥劉崇望本官同中書門下平章事以刑部侍郎孫

揆爲京兆尹二月癸亥朔己丑汴州行軍司馬李璠檻  
送逆賊秦宗權竝妻趙氏以獻上御延喜門受俘百僚  
稱賀以之徇市告廟社斬於獨柳趙氏笞死

新書戊辰  
獻俘己丑

許初自諸侯收長安黃巢東出關與宗權合巢賊雖平

而宗權之兇徒大集西至金商陝虢南極荆襄東過淮  
甸北侵徐兗汴鄭幅員數十州五六年間民無耕織干  
室之邑不存一二歲旣兇荒皆膾人而食喪亂之酷未  
之前聞宗權旣平而朱全忠連兵十萬吞噬河南兗鄆  
青徐之間血戰不解唐祚以至於亡中書奏請以二月  
二十二日爲嘉會節從之三月壬辰朔以右僕射門下

侍郎同平章事孔緯守司空

新書司徒

太清宮使宏文館大

學士延資庫使領諸道鹽鐵轉運等使以右僕射門下

侍郎集賢殿大學士杜讓能爲左僕射

新書爲司空

監修國

史判度支以中書侍郎戶部尚書同平章事張濬

表兼吏部

尚書爲集賢殿大學士判戶部事

表劉崇望爲中書侍郎丙申錢鏐陷蘇州遂

刺史夏四月壬戌朔以宣武淮南等節度副大使知節

度事管內營田觀察處置等使開府儀同三司檢校太

傅兼侍中揚州大都督府長史汴州刺史充蔡州四面

行營都統上柱國沛郡王食邑四千戶朱全忠檢校太

尉中書令進封東平王仍賜賞軍錢十萬貫五月壬辰



朔漢州刺史王建陷成都府遷陳敬瑄於雅州建自稱

西川兵馬畱後復用田令孜爲監軍

新書在大順二年八月庚子當從新

書六月辛酉朔邢洺節度使孟方立卒三軍推其弟洺

州刺史遷爲畱後太原李克用出軍攻之杭州刺史錢

鏐攻宣州下之擒劉浩剖心以祭周寶

楊行密陷宣州宜歛觀察使趙

錕死之廬州刺史蔡儔叛附於孫儒

秋七月詔以杭州置武威軍以鏐爲

本軍防禦觀察等使

八月甲戌孟遷叛附於李克用

冬十月己未朔青

州節度使王敬武卒制以特進太子少師博陵郡開國

侯食邑一千戶崔安潛檢校太傅兼侍中青州刺史平

盧軍節度觀察押新羅渤海兩蕃等使青州三軍以敬

武子師範權知兵馬事

師範陷棣州刺史張蟾死之宣歙觀察使楊行密陷常州刺史

杜陵死之錢

十一月己丑朔將有事於園丘改名曰曄

鐸陷潤州

丁未朝獻於太清宮戊申朝

辛亥上宿齋於武德殿

案

享於太廟己酉有事於南郊

亥宿齋下文甲寅園丘禮畢疑是壬子朝獻癸丑朝享

甲寅園丘舊書雖不詳書然可按日而得新書之丁未

戊申己酉

疑誤宰相百僚朝服於位時兩軍中尉楊復恭及兩

樞密皆朝服侍上太常博士錢珣李綽等奏論之曰皇

帝赴齋宮內臣皆服朝服臣檢國朝故事及近代禮令

竝無內官朝服助祭之文伏惟皇帝陛下承天御庥聖

祚中興祗見宗祧克陳大禮皆稟高祖太宗之成制必

循虞夏商周之舊經軒冕服章式遵彝憲禮院先準大

禮使牒稱得內侍省牒要知內臣朝服品秩禮院已準  
禮令報訖今參詳近朝事例若內官及諸衛將軍必須  
製冠服卽各依所兼正官隨資品依令式服本官之服  
事存傳聽且可俯從然亦不分明著在禮令乞聖慈允  
臣所奏狀入至晚不報錢珣又進狀曰臣今日巳時進  
狀論內官冠服制度未奉聖旨伏以陛下虔事郊禋式  
遵彝範凡關典禮必守憲章今陛下行先王之大禮而  
內臣遂服先王之法服來日朝獻大聖祖臣贊導皇帝  
行事若侍臣服章有違制度是爲非禮上瀆祖宗臣期  
不奉敕臣謬當聖代叨備禮官獲正朝儀死且不朽脂

膏泥滓是所甘心狀入降朱書御札曰卿等所論至當

事可從權勿以小瑕遂妨大禮於是內四臣遂以法服

侍祠

表劉崇望兼吏部尚書

甲寅園丘禮畢御承天門大赦十二

月

孫儒陷常潤二州

戊午

孔緯爲太保

宰臣杜讓能兼司空

新書爲司徒○

王申眉州刺史山行章叛附於王建

大順元年春正月戊子朔御武德殿受朝賀宰臣百僚

上徽號曰聖文睿德光武宏孝皇帝禮畢大赦改元大

順

王寅簡州將杜有遷執其刺史員嶠嵩叛附於王建

二月丁巳宰臣兼國子祭

酒孔緯以孔子廟經兵火有司釋奠無所請内外文臣

自觀察使制使下及令佐於本官料錢上緡抽十文助

修國學從之宣武軍節度使朱全忠進位守中書令加

食邑千戶餘如故

新書在八月庚午

太原都將安金俊攻圍邢

州歷年城中食盡邢洺觀察使孟遷以城降

新書在龍紀元年八月

月甲戌疑誤

乃以孟遷之族歸太原克用以大將安建

新書名知

建爲邢洺畱後

己未資州將侯元綽執其刺史楊戡叛附於王建

三月丁亥朔

朱全忠上表關東藩鎮請除用朝廷名德爲節度觀察

使如藩臣固位不受代臣請以兵誅之如王徽裴瓌孔

晦崔安潛等皆搢紳名族踐歷素高宜用爲徐鄆青兗

等道節度使從之

戊申

昭義軍節度使李克修卒太原帥

克用之弟也三軍推克修弟克恭知畱後事夏四月丙

辰朔李克用遣大將安金俊率師攻雲州赫連鐸求援於幽州李匡威出兵援之戰於蔚州太原軍大敗燕軍執安金俊獻之於朝李匡威赫連鐸朱全忠等上表請因沙陀敗亡臣與河北三鎮及臣所鎮汴滑河陽之兵平定太原願朝廷命重臣一人都總戎事昭宗以太原於艱難時立興復大功心疑其事下兩省御史臺尚書省四品已上官議惟黨全忠者言其可伐不可者十之七宰臣杜讓能劉崇望深以爲不可唯張濬議曰先朝再幸興元實沙陀之罪比慮河北諸侯與之膠固無以滌除今兩河大藩皆願誅討不因其離貳而除之是當

斷不斷也孔緯曰濬言是也軍容楊復恭曰先朝蒙犯  
霜露播越草莽七八年間寢不安席雖賊臣播蕩於外  
亦由失制於中陛下續承人心欣戴不宜輕舉干戈爲  
國生事望優詔報全忠且以柔服爲辭上然之全忠密  
遣濬之親黨賄濬濬恃全忠之援論奏不已天子憊俛

從之

宿州將李筠逐其刺史張紹光丙寅嘉州刺史朱  
實叛附於王建丙子戎州將文武堅執其刺史謝

承恩叛  
附於建

五月制特進中書侍郎兵部尚書同平章事集

賢殿大學士上柱國河間郡

傳作清河

開國伯食邑七百戶

傳千二  
百戶

張濬爲太原四面行營兵馬都統

詔討宣  
慰使

京兆

尹孫揆副之以華州節度使韓建爲北面行營招討都

虞侯供軍等使以宣武軍節度使朱全忠爲太原東南

面招討使

新書在六月辛未誤

成德軍節度使王鎔爲太原東面

招討使幽州節度使李匡威爲太原北面招討使雲州

防禦使赫連鐸副之丙午

新書壬寅

潞州軍亂

昭義軍將安居受

殺

其帥李克恭監軍使薛績本函克恭首獻之於朝濬方

起兵朝廷稱賀王子都招討使張濬孫揆率神策之軍

三千赴行營昭宗御方喜門臨送誠誓之

癸丑劍南東川節度使顧

彥勳卒其弟彥暉自稱留後

六月乙卯李克用大將權知邢洺兵馬

留後安建上表請以三州歸順遣中使往勞之制以德

州刺史權知滄州兵馬留後盧彥威檢校右僕射兼滄



州刺史御史大夫義昌軍節度滄德觀察處置等使彥

威光啓初逐其帥楊全玖求旌節朝廷以扈蹕都將曹

誠爲滄德節度使誠雖不至任而彥威之請不行至是

王鎔羅宏信因張濬用兵爲彥威論請故有斯授以京

兆尹行營兵馬副招討使孫揆檢校兵部尚書兼潞州

長史昭義軍節度副大使知節度事張濬會諸軍於晉

州朱全忠選汾卒三千爲張濬牙隊

辛酉雅州將謝從本殺其刺史張承

簡叛附於王建

秋七月乙酉朔

楊行密陷潤州

王師屯於陰地太原大

將康君立以兵拒戰朱全忠遣大將葛從周率千騎入

潞州從周權充兵馬畱後朱全忠奏已差兵士守潞州

請節度使孫揆赴鎮時中使韓歸範押揆旌節官告送

至行營丙申揆建節率兵二千自晉州赴鎮昭義戊申

至長子縣山谷中太原騎將李存孝伏兵執揆與韓歸

範牙兵五百俘送太原餘兵悉為存孝所殺太原將康

君立率兵二萬攻潞州八月錢鏐殺蘇州刺史杜儒休楊行密陷蘇州淮南節度使孫

儒陷潤州九月甲申幽州雲州蕃漢兵三萬攻雁門太原將

李存信薛阿檀擊敗之楊行密陷潤常二州汴將葛從周棄上黨

康君立入據之克用以君立為澤潞兵馬留後閏月孫儒陷常

州王戊卯州將任可冬十月癸未蜀州刺史李行周叛附於王建李克用陷邢洛磁三

州知殺其刺史毛湘十一月癸丑朔太原將邢州刺史李存孝自恃擒孫

揆功合爲昭義帥怨克用授康君立存孝自晉州率行

營兵歸邢州據城上表歸朝仍致書與張濬王鎔求援

新書在景福元年十月當從新書

克用遣大將李存信薛阿檀拒王師

於陰地三戰三捷由是河西鄜夏邠岐之軍渡河西歸

韓建以諸軍保平陽存信追之建軍又敗建退保絳州

張濬以汴卒禁軍萬人在晉州存信攻之三日相與謀

曰張濬宰相俘之無益天子禁兵不宜加害如得平陽

於我無利遂退舍五十里而軍

丁卯李匡威陷蘇州孫儒陷蘇州

十二

月壬午朔張濬韓建拔晉絳遁去李存信收晉絳大掠

河中四郡丙申制特進中書侍郎同平章事太原四面

行營都統張濬可檢校兵部尚書兼鄂州刺史御史大夫鄂岳觀察使以開府儀同三司守司徒門下侍郎同平章事上柱國魯郡開國公食邑三千戶諸道鹽鐵轉運使孔緯檢校司徒兼江陵尹荆南節度觀察處置使

新書在二年正月庚申

庚子新除鄂岳觀察使張濬責授連州刺

史新除荆南節度使孔緯責授均州刺史竝馳驛赴任太原軍屯晉州李克用遣中使韓歸範還朝因上表訴冤言被賊臣張濬依倚朱全忠離間功臣致削奪臣官爵朝廷欲令釋減下羣臣議其可否左僕射韋昭度等

案新書陳敬瑄傳昭度是年尚在四川

議曰賞功罰否

前聖之令猷含垢匿瑕百王之垂訓是以雷解而義文  
象德網開而湯化歸仁用彼懷柔式存彝範上自軒農  
之代下臻文武之朝罔不允洽寬宏以流需澤況國家  
德祖守成之日憲宗致理之時車軌一同桑麻萬里燭  
龍外野悉在梯航火鼠窮郊咸歸正朔然猶王承宗擁  
兵鎮冀詔范希朝討之仍歲無功卒行赦宥而又朱滔  
以幽州之眾結田悅李納王武俊之強遣馬燧等征之  
不克旋又寬之以累聖之英謀睿哲大朝之紀律文明  
非不欲厲彼風驅快其電埽然且考春秋之義稽楚鄭  
之文或退而許平或服而便捨存於舊史載彼新書李

克用代漢強宗陰山貴胄呼吸而風雲作氣指麾而草  
樹成形仰天指心誓獻秩訾之首伏弢歐血屢親都護  
之營所謂勇多上人自匪窮來歸我卽陛下聖考懿宗  
皇帝之朝彭門失守親驅銳卒首建殊功而先帝卽位  
之初渚宮大擾復提義旅克靜妖氛其後封豕長蛇荐  
食上國繼以子朝之亂皆因重耳之盟保大朝之宗祧  
垂中興於簡冊蓋聖王之御天下也有勳可書有績可  
載宥過不忘於十代念功豈止於一時天高聽卑請事  
斯語且四海之內創痍猶殷九貢之邦綱條未理昨者  
遽起邠岐之衆尋已退還又徵燕薊之師倏聞內變出

於饋饗失職資屏絕供致此投戈是乖借箸蓋下計之  
未熟非聖謀之不臧儻宸斷重離天機間出錄茲誠款  
散彼師徒虛其念舊之懷待以如初之禮臣等所議實  
以在斯抑又聞往者漢將趙充國欲因邊境衰弱出兵  
擊之於是魏相上書畫陳利害且曰恃國家之大矜人  
物之衆欲見威於敵者謂之驕兵兵驕者滅非但人事  
乃天道也又曰臣不知此兵何名者也兵出無名事乃  
不成漢宣納之竟罷其伐伏惟皇帝陛下鑒往古用師  
之難采列聖遷善之美恩加區宇信及豚魚則臣等不  
勝懇願況今汴魏猶艱幽定方困縱遣之調發豈能集

事虛行號令徒召寇讎將以勦人非惟辱國且黠夏斯  
舉勤王之衆推效命之誠未能虜騎獨攻所望漢兵同  
力令茲數鎮奔命不遑難致濟師恐又生事論其漸當  
暑熱非利戎旃悉力頒霜遣還蕃部重盈陳五郡之卒  
益謹關防王珙振兩河之雄更嚴旂鼓然後獎其上表  
哀以自陳錄彼前勞責之後效徵神爵之往典還日逐  
之故封諭其已斥王恭不使更疑晉帝凡百臣子實切  
乃誠其克用在身官爵竝請卻還仍依前編入屬籍從  
之以翰林學士承旨兵部侍郎崔昭緯本官同中書門  
下平章事御史中丞徐彥若爲戶部侍郎同中書門下



平章事

新書在二年正月庚申

右僕射王徽卒贈司空諡曰貞

二年春正月王子朔李克用急攻邢州李存孝求援於

王鎔鎔出軍援之屯於堯山克用自太原至擊敗之進

圍邢州司徒門下侍郎同平章事杜讓能進位太尉

新書

在景福元年四月辛巳

太清宮使宏文館大學士延資庫使領諸

道鹽鐵轉運等使以中書侍郎吏部尚書同平章事劉

崇望爲門下侍郎

表在三月

監修國史判度支事

表在大順元年十二月

月工部侍郎同平章事崔昭緯判戶部事

甘露鎮使陳可言陷常州

錢鏐陷蘇州

二月辛巳朔李克用復檢校太師中書令太原

尹北都畱守河東節度觀察處置等使時張濬韓建兵

敗後爲太原將李存信等所追至是方自含山逾王屋  
出清河達於河陽屬河溢無舟楫建壞人廬舍爲木罌  
數百方獲渡人多覆溺休其徒於司徒廟是役也朝廷  
倚朱全忠及三鎮兵全忠方連兵徐鄆乃求兵糧於鎮  
魏全忠終不至行營鎮魏倚太原爲捍蔽如破太原郡  
恐危鎮魏王鎔羅宏信亦不出師唯邠岐華鄜夏烏合  
之衆會晉州兵未交而孫揆擒燕卒敗所以河西岐下  
之師望風潰散而濬建至敗全忠以鎮魏不助兵糧觀  
望遣龐師古將兵討魏陷十縣羅宏信乞盟乃退

乙巳  
赦陳

敬瑄丁未詔王  
建罷兵不受命

棣州刺史張蟾爲青州將王師範所敗

新授平盧軍節度使崔安潛自棣州歸朝復授太子少

師

新書在龍紀元年十月誤

三月辛亥朔以青州權知兵馬畱後王

師範檢校兵部尚書兼青州刺史御史大夫平盧軍節

度觀察押新羅渤海兩蕃等使

表崔昭緯徐彥若並為中書侍郎

淮南

節度使孫儒為宣州觀察使楊行密所殺

案新書紀不書孫儒之死

然案儒傳及楊行密傳皆在景福元年之春皆疑誤

初行密揚州失守據宣州孫

儒以兵攻圍三年是春淮南大饑軍中疫癘死者十三

四是月孫儒亦病為帳下所執降行密行密乃并孫儒

之眾復據廣陵夏

四月庚辰有彗星入於太微甲申大赦避正殿減膳徹樂賜兩軍金帛贖

所掠男女還其家民年八十以上及疾不能自存者長史存卹訪武德功臣子孫癸卯王建寇成都五月孫儒

陷和滁二州

六月王鎔出軍援李存孝李克用大舉討鎮州

楊行密陷和滁二州

秋七月太原軍出井陘屯於常山

鎮大掠鎮趙深諸郡幽州節度使李匡威自率步騎三

萬援王鎔

李克用陷雲州防禦使赫連鐸奔於退渾孫儒焚揚州以逃

八月李克用

班師

庚子王建陷成都執劍南西川節度使陳敬瑄自稱畱後

九月丁未朔乙卯天

子賜左軍中尉楊復恭几杖以大將軍致仕復恭怒稱

病不受詔冬十月丁丑朔甲申天威軍使李順節率禁

兵討楊復恭復恭假子玉山軍使楊守信以兵拒之列

陣於昌化里昭宗登延喜樓陳兵自衛以俟變相持至

晚不戰而退是夜守信乃擁其眾衛復恭出京師且戰

且行出通化門由七盤路之商州又令義兒張綰爲後

殿永安都頭安權追及綰擒之而還

表劉崇望爲尚書右僕射

十一

月朱全忠上表請移時溥節鎮是月汴軍陷宿州

新書在十

月乃授溥太子太師溥將劉知俊降汴軍鎮州王鎔幽

州李匡威復謀攻定州以分其地王處存求援於太原

已未曹州將郭銖殺其刺史郭詞叛附於全忠辛未全忠陷壽州

十二月丙子朔以光

祿大夫門下侍郎右僕射同平章事監修國史判度支

上柱國彭城縣開國男劉崇望檢校司空同平章事兼

徐州刺史武寧軍節度徐宿觀察制置使

新書在景福元年二月案

本傳當從舊書

時李順節恃恩恣橫出入以兵仗自隨兩軍中

尉劉景宣西門重遂懼其窺圖非望丁亥兩中尉傳詔  
召順節順節以甲士三百自隨至銀臺門門司傳詔止  
從者兩中尉在仗舍邀順節坐次令部將嗣光審斫順  
節頭隨劍落其部下知順節死大譟出延喜門是日天  
威捧日登封三都亂剽永寧里至晚方定表崔昭緯兼吏部尚書徐  
彥若兼兵部尚書戶部侍郎鄭延昌爲中書侍郎同中書門下  
平章事判度支新書在景福元年三月

景福元年春正月丙午朔上御武德殿受朝賀

己未朱全忠陷

孟州逐河陽節度使趙克裕

丙寅大赦改元景福鳳翔李茂貞邠州

王行瑜華州韓建同州王行實秦州李茂莊等上表疏

興元楊守亮納叛臣楊復恭請同出本軍討伐兼自備  
供軍糧料不取給於度支只請加茂貞山南招討使名  
內臣皆不可其奏昭宗亦以茂貞得山南之後有問鼎  
之心詔久之不下茂貞怒與王行瑜不俟進止發兵攻  
興元累請招討之命兼與宰相杜讓能中尉西門重遂  
書詞語詬詈凌蔑王室昭宗心不能容二月丙子朔庚  
寅太原易定之兵合勢攻鎮州王鎔復告難於幽州李  
匡威率步騎三萬赴之時太原之衆軍於常山鎮易定  
之衆軍堅固鎮燕趙之卒分拒之

錢鏐陷蘇州甲申朱  
全忠寇鄆州天平軍

節度使朱  
瑄敗之

三月克用處存斂軍而退

己巳楊行密陷楚  
州執刺史劉贇又

陷常州刺史陳可言死之丙辰武定軍節度使楊守忠  
龍劍節度使楊守貞會楊守厚兵寇梓州丙寅福建觀  
察使陳巖卒護閩都將范暉自稱夏四月乙亥左軍中  
畱後庚午泉州刺史王潮寇福州

尉西門重遂殺天威軍使賈德晟時德晟與李順節俱  
掌天威軍順節死中尉惡德晟誣奏殺之是日德晟部  
下千餘騎出奔鳳翔自是岐軍益盛五月甲辰制以河

南尹張全義檢校司徒同平章事兼孟州刺史河陽三

城節度懷孟澤觀察等使六月戊寅楊行密陷揚州已巳鳳翔隴右節度使李茂貞

陷鳳州感義軍節度使滿存秋七月燕趙之卒合勢援

邢州太原大將李存信率軍拒於堯山王鎔大敗而還

八月丙戌降京畿關輔囚罪免淮南浙冬十月蔡儔以  
西宣州通負表崔昭緯為門下侍郎廬州叛附於



朱全忠河東將李存孝以邢州叛附於全忠

十一月

有星李於斗牛

辛亥鳳翔邠寧

之眾攻興元府陷之山南西道節度使楊守亮與前左

軍中尉楊復恭判官李巨川突圍而遁將奔太原

新書在八

月壬申奔

李茂貞表其子繼密權知興元府事

辛丑武寧軍將

於閬州

張燧張諫以濠泗二州叛附於朱全忠乙丑朱友裕陷

漢州執刺史邵儒孫儒將王壇陷婺州刺史蔣瓌奔於

越十二月辛未朔華州節度使韓建奏於乾元縣遇興

元潰散兵士擊敗之其楊守亮楊復恭竝已處斬訖皆

傳首京師

新書在乾寧元年八月案楊復恭傳亦在是年○是歲明州刺史鍾文季卒其將黃晟自

史稱刺

二年春正月辛丑朔制以權知劍南東川兵馬畱後顧

彥暉檢校左僕射兼梓州刺史御史大夫劍南東川節度觀察等使時王建連年攻彥暉李茂貞欲與建爭東川故表請彥暉正授旄鉞示修好也二月庚午朔太原李克用以兵攻鎮州師出井陘王鎔懼再求救於幽州甲申李匡威復來赴援太原之軍還邢州楊行密陷常州三月庚子制以捧日都頭陳珮爲廣州刺史嶺南東道節度使扈蹕都頭曹瑋爲黔州刺史黔中節度使耀德都頭李鋌爲潤州刺史鎮海軍節度使宣威都頭孫惟晟爲江陵尹荆南節度使竝加特進同平章事各令赴鎮竝落軍權時朝議以茂貞傲侮王命武臣難制欲用杜讓

能及親王典禁兵故罷五將之權兼以平章事悅其心

太尉杜讓能冊拜加食邑至六千戶

新書在元年四月辛巳

是月

辛酉

幽州節度使李匡威弟匡籌據幽州自稱畱後以符

追行營兵兵皆還幽州匡威既無歸路遣判官李抱貞

入奏請朝覲王鎔感匡威援助之惠乃築第於恆州迎

匡威處之夏四月己巳

新書戊子

汴將王重師牛存節陷徐

州節度使時溥舉家自燔而死朱全忠遣將龐師古守

徐州

己亥王建殺陳敬瑄及劍南西川監軍使田令孜乙酉有彗星入於太微五月庚子王潮陷福州范

暉死之潮自稱畱後

六月丁酉朔乙卯幽州節度使李匡威謀害

王鎔而奪其師恆州三軍攻匡威殺之

新書在四月丁亥

戊午

制太尉門下侍郎同平章事晉國公杜讓能加食邑至  
九千戶門下侍郎吏部尚書同平章事崔昭緯進階光  
祿大夫中書侍郎同平章事鄭延昌兼刑部尚書竝加  
食邑至千戶以祠部郎中知制誥陸扆爲中書舍人依  
前翰林學士幽州節度使李匡籌遣使檄王鎔訊殺匡  
威之罪二藩結怨朱全忠遣判官韋震使幽州和解之

表崔昭緯爲  
尚書左僕射

秋七月

楊行密陷廬  
州蔡儔死之

李克用興兵攻鎮州

敗王鎔軍於平山鎔懼乞盟請以兵糧助攻邢州許之  
克用旋軍襄國癸未制以鳳翔隴州節度使檢校太尉  
中書令鳳翔尹上柱國岐王食邑四千五百戶李茂貞

爲興元尹山南西道節度等使以中書侍郎同平章事

徐彥若檢校左僕射同平章事兼鳳翔尹鳳翔隴州節

度使時茂貞恃兵求兼領山南節度昭宗久之不行茂

貞表章不遜深詆時政上不能容將加兵問罪故以彥

若代之

新書在正月

八月丙申朔以嗣覃王

周嗣

爲京西招討

使神策大將軍李鐔副之

庚午昇州刺史張雄卒其將馮宏鐸自稱刺史是月楊行

密州

九月丙寅朔以武威軍防禦使錢鏐爲鎮海軍節

度浙西觀察處置等使仍移鎮海軍額於杭州乙亥覃

王率扈駕五十四軍進攻岐陽屯於興平李茂貞以兵

逆戰屯於藍屋壬午岐軍進迫興平王師自潰

甲茂貞

乘勝逼京師進屯三橋甲申

新書乙酉

昭宗御安福門斬觀

軍容使西門重遂內樞密使李周潼

段

遣中使賜茂貞

詔令收兵歸鎮茂貞陳兵臨臯驛數宰臣杜讓能之罪

請誅之制貶太尉同平章事晉國公杜讓能爲雷州司

戶

新書梧州刺史。是月昇州刺史馮宏鐸叛附於楊行密。

冬十月乙未賜杜讓能

自盡其弟戶部侍郎宏徽坐讓能賜死

楊行密陷舒州表崔昭緯充諸

道鹽鐵轉運使

十一月制以鳳翔節度使李茂貞守中書令進

封秦王兼興元尹山南西道節度使邠州節度使王行

瑜賜號尚父賜鐵券以門下侍郎吏部尚書同平章事

監修國史崔昭緯兼左僕射

表在景福元年六月

充諸道鹽鐵轉

運等使

表在十月

以特進行右僕射

東都留守檢校司徒

韋昭度為司

空

新書司徒

門下侍郎同中書門下平章事

新書本紀闕

宏文館

大學士太清宮使延資庫使中書侍郎刑部尚書同平

章事判度支鄭延昌罷知政事守尚書左

表

僕射以

病求罷故也

新書在乾寧元年三月

以新除鳳翔節度使徐彥若

復知政事

新書在乾寧元年六月以御史大夫拜

戶部侍郎判戶部事王

搏本官同中書門下平章事

新書無

○十二月韋昭度為太傅邵州刺史鄧處訥

陷潭州欽化軍節度使周岳死之處訥自稱畱後是歲建州刺史徐歸範汀州刺史鍾全慕叛附於王潮

乾寧元年春正月

有星李於鶉首

乙丑朔上御武德殿受朝宣

制大赦改元乾寧鳳翔李茂貞來朝大陳兵衛獻妓女

三十人宴之內殿數日還藩時茂貞有山南梁洋興鳳

岐隴秦涇原等十五餘郡甲兵雄盛凌弱王室頗有問

鼎之志二月汴人大敗兗鄆之軍於東阿瑄瑾勢感求

援於太原李克用出師援之彰義軍節度使張均卒其兄鐸自稱留後表鄭延昌

為尚書右僕射門下三月甲子朔太原軍攻邢州陷之侍郎韋昭度守太傅

執其逆將李存孝檻送太原裂之克用以大將馬師素

權知邢洺團練事夏五月丙子王建陷彭州威戎蔡賊

孫儒部將劉建鋒馬殷攻陷潭州自稱湖南節度使武安軍節

度使鄧處訥死之以翰林學士中書舍人陸展為戶部侍郎知

制誥充職武岡指揮使蔣勛陷邵州六月壬辰李克用攻陷雲州執



大同防禦使赫連鐸

死

以其牙將薛志勤守雲中

表崔

中書

侍郎秋七月

以雨霖避正殿李茂貞陷闔州八月癸巳減京畿興元洋金商州賦役九月庚申李

克用陷潞州昭義軍節度使康君立死之

冬十月庚寅以中書侍郎同平章

事王搏為湖南節度使以翰林學士承旨禮部尚書知

制誥李磎為戶部侍郎同中書門下平章事宣制之日

水部郎中知制誥劉崇魯出班而泣言磎姦邪黨附內

官不可居輔弼之地由是制命不行

新書六月戊午拜庚申罷表罷為太

子少

傳戊申制御史中丞崔胤為兵部

新書侍郎同中書

門下平章事

新書在大順二年九月壬辰

是月李克用以太原之眾

進攻幽州

李克用陷武州

十二月

李克用陷新州

甲寅幽州節度使李

匡籌潰圍而遁丙辰克用陷幽州以李匡威故將劉仁恭

為幽州兵馬留後是月李匡籌南奔赴關至景城為滄

州節度使盧彥威所殺楊行密陷黃州執刺史吳討

二年春正月己未朔己巳給事中陸希聲為戶部侍郎同中書門下平章事王申

河中節度使檢校太師中書令河中尹上柱國瑯琊郡

王王重榮卒三軍立重榮子行軍司馬珂知留後事二

月己丑朔王重榮子陝州刺史珙絳州刺史瑤舉兵討

王珂兼上章訴珂冒姓非重榮子珂珙爭為蒲帥上遣

中使慰勞乙未太子太傅李磎為戶部侍郎同中書門下平章事表判度支三月制以

中書侍郎同平章事崔胤檢校左右僕射同平章事河

中尹河中節度晉絳慈隰觀察處置等使李璣罷表檢校吏部尚書

浙東節度使董昌僭號稱羅平國年稱大聖用婺州刺

史蔣瓌為宰相仍偽署官員鎮海軍節度使錢鏐請以

本軍進討從之戶部侍郎判戶部王搏為中書侍郎同中書門下平章事以翰林學

士承旨兵部侍郎知制誥趙光逢為尚書左丞依前充

職太原李克用上章言王重榮有功於國其子珂宜承

襲請賜節鉞邠州王行瑜鳳翔李茂貞華州韓建各上

章言珂螟蛉不宜續襲請以王珂為陝州王珙為河中

天子以先允李克用之奏久之不下楊行密陷濠州執刺史張燧庚午河

東地夏四月蘇州大雨雪陸希聲韋昭度罷泰寧軍節度使朱瑾及朱全忠戰於高梧敗績其將安福

震

慶死之楊行密陷壽州執刺史江從勛表希聲罷爲太子少師昭度太保致仕五月丁巳朔甲

子李茂貞王行瑜韓建等各率精甲數千人入覲京師

大恐人皆亡竄吏不能止昭宗御安福門以俟之三帥

旣至拜舞樓下昭宗臨軒自諭之曰卿等藩侯宜存臣

節稱兵入朝不由奏請意在何也茂貞行瑜汗流濕背

不能對唯韓建陳叙入覲之由上竝召升樓賜之卮酒

宴之於同文殿茂貞行瑜極言南北司相傾深蠹時政

請誅其太甚者乃貶宰相韋昭度李磎尋殺之於都亭

驛殺內官數人而去王行瑜畱弟行約茂貞畱假子閻

圭各以兵二千人宿衛時三帥同謀廢昭宗立吉王閔

太原起兵乃止畱兵宿衛而還壬申以責授均州司戶

孔緯繡州司戶張濬竝爲太子賓客以翰林學士戶部

侍郎知制誥陸展爲兵部侍郎充職

是月李克用陷絳州刺史王瑤死之

六月丁亥朔以京兆尹嗣薛王知柔兼戶部尚書判度

支兼諸道鹽鐵轉運等使

庚寅鎮海軍節度使錢鏐爲浙江東道招討使

王辰

新書  
癸巳

以太子賓客孔緯爲吏部尚書尋復開府儀同三

司守司空門下侍郎同中書門下平章事宏文館大學

士太清宮延資庫使上柱國魯郡開國公食邑四千戶

食實封二百戶仍號持危啟運保乂功臣時緯在華州

尋屬太原軍至而止以太子賓客張濬復光祿大夫行

兵部尚書上柱國河間郡開國侯食邑二千戶濬在長

水亦不至京師

裴徐彥若爲尚書左僕射兼門下侍郎

復以王搏爲中書

侍郎同中書門下平章事

新書在三月

秋七月丙辰朔李克

用舉軍渡河以討王行瑜李茂貞韓建等稱兵詣闕之

罪庚申

新書戊午

同州節度使王行實

新書行約案王行瑜傳當作行實

棄

郡入京師謂兩軍中尉駱全瓘劉景宣曰沙陀十萬至

矣請奉車駕幸邠州且有城守

王戌李克用陷同州

時景宣附鳳

翔癸亥夜

新書庚申

閻圭與劉景宣子繼晟同州王行實

指

使王行實李繼鵬案王行瑜傳此指揮使當是行約

縱火剽東市請上出幸上聞

亂登承天門遣諸王率禁兵禦之捧日都頭李筠率本

軍侍衛樓上閭主以鳳翔之卒攻李筠矢及御座之樓  
扉上懼下樓與親王公主內人數百幸永興坊李筠營  
扈蹕都頭李君實繼至乃與筠以兩都兵士侍衛出啓  
夏門憩於華嚴寺以候內人繼至其日晚幸莎城鎮京  
師士庶從幸者數十萬比至南山谷口暍死者三之一  
至暮爲盜寇掠慟哭之聲殷動山谷權令京兆尹知柔  
知中書事及隨駕置頓使信宿宰相徐彥若王搏崔胤  
三人至甲子乃移石門鎮之佛宮仍令知樞密劉光裕薛  
王知柔歸京師制置合禁軍以備宮禁前護國軍節度使崔胤爲中書  
侍郎同中書門下平章事丙寅李克用遣牙將問鬁奉表奔問奏屯

軍河中候進止發赴邠州丁卯上遣內官張承業傳詔克用軍使令監太原行營兵馬發赴新平又令內官郗延昱傳詔涇州令張鐔起涇原之師會克用軍上在南山半月餘克用仍在河中未至渭北上懼鳳翔兵士劫還乃令延王將御服鞍馬玉器等至河中宣諭曰朕以景宣全瓊行實繼鵬爲表裏之姦謀縱干戈於雙闕煙塵倏忽劫殺縱橫朕偶脫鋒鏑遂移輦輅所爲巡幸止在近郊蓋知卿統領雄師駐臨蒲坂累飛書詔繼遣使人期卿以社稷爲憂君親在念必思響應速議興行豈謂將涉兩旬未有來表憂虞是切寢食不遑豈忠義不



切疾懷而道途或有阻滯今則專令親信懇託勳賢故遣延王戒丕丹王允與供奉官王魯紆等宣示卿宜便

董獵獠徑臨邠鳳蕩平妖穴以拯阡危是所望也

表辛未嗣

薛王知柔為清海軍節度使同平章事仍權知京兆尹判度支充諸道鹽鐵轉運等使舊書節度使在三年正

除月八月乙酉朔延王至河中克用已發前鋒至渭北又

令史儼率五百騎赴行在侍衛已丑克用自至渭橋砦

癸巳於梨園殺邠軍數千獲其大將王令陶以獻又詔

鄜州節度使李思孝

為邠寧北而招討使

本軍進討丁酉

新書制辛丑

以河東節度使開府儀同三司守太師中書令兼太原

尹北都畱守上柱國隴西郡王李克用為邠寧四面行

營都招討使夏州節度使李思諫充邠寧東北面招討使涇原節度使張鐠充邠寧西面招討使河中節度使王珂充行營供軍糧料使李茂貞聞之懼斬閹主武禿子傳首行在上章請罪辛丑制削奪王行瑜在身官爵改授李克用邠寧四面行營都統其大將蓋寓李存信閹鏐判官王讓李襲吉等並降詔賜資又以河中都監袁季貞充邠寧四面行營兵馬都監押李繼鵬伏誅赦李茂貞王寅李克用遣子存貞奉表行在請車駕還宮答詔曰昨延王迴言卿憂時體國執禮輸忠接遇之間周旋盡節備知肺腑識我恩榮靜惟尊主之心果契知臣之分朕

欲取今月二十四日却復都城冀寧兆庶倚我勲德有  
若長城速伸翦盪之謀以慰黔黎之望癸卯又令延王  
傳詔令克用發騎軍三千赴三橋屯駐以備迴鑾辛亥

車駕還宮王子司空門下侍郎同平章事監修國史諸

道鹽鐵轉運使崔昭緯罷知政事爲太子賓客

遷尚書左僕射

以河中兵馬留後王珂檢校司空兼河中尹御史大夫

護國軍節度河中晉絳慈隰觀察等使以幽州兵馬留

後劉仁恭檢校司空兼幽州長史幽州盧龍軍節度押

奚契丹等使以故左軍中尉楊復恭開府魏國公並從

克用奏請也九月甲寅朔丙辰制光祿大夫守左僕射

門下侍郎同平章事監修國史上柱國東莞郡公徐彥

若爲司空門下侍郎同平章事太清宮修奉太廟等使

宏文館大學士延資庫使充諸道鹽鐵轉運等使正議

大夫中書侍郎同平章事王搏爲金紫光祿大夫戶部

尚書門下侍郎監修國史判度支

表在入月王子

正議大夫中

書侍郎同平章事崔胤爲金紫光祿大夫兼禮部尚書

集賢殿大學士判戶部事並賜號扶危匡國致理功臣

癸亥司空門下侍郎同平章事太清宮修奉太廟等使

宏文館大學士延資庫使上柱國魯郡開國公孔緯卒

贈太尉

前昭義軍節度使李罕之爲邠寧四面行營副都統

冬十月甲申朔

丙戌王

師破賊黎園砦俘斬萬計行瑜由是嬰城自固

京兆尹孫奭爲

戶部侍郎同中書門下平章事

丁亥制赦繫囚

新書在十月其節文曰某

任崇柱石位重台衡或委以軍權或叅諸宥密竟因連

謗終至禍名鬱我好生嗟乎強死應大順已來有非罪

而加削奪者並復官資其杜讓能西門君遂

前皆作重遂

李

周潼已下並與昭雪還其爵秩韋昭度項處台司每伸

相業王行瑜求尚書令獨能抑之致於沈寃諒有此事

李璣文章宏瞻迴出輩流竟於朋黨之間擠於死地凡

在有識孰不咨嗟宜並與昭洗仍復官爵又敕太子賓

客崔昭緯責授梧州司馬水部郎中知制誥劉崇魯貶

崖州司戶又詔邠州行營都統曰邠州節度副使崔鋌

破賊之時勿令漏網鋌與昭緯去年朋黨交結行瑜構

合禍胎原由此賊付四面行營知委庚寅王行約焚寧州以逃義武軍節

度使王處存卒其子郃自稱留後是月四面行營大集邠州十一月癸

未朔癸未誤當是癸丑。丁巳李克用及王行瑜戰於龍泉敗之辛酉衛州刺史陳儒卒其弟岌自稱刺

史壬寅案是月無壬寅誤疑是丙寅王行瑜與其妻子郃曲五百餘

人潰圍出奔至慶州行瑜為部下所殺并其家二百口

並詣行營乞降李克用遣牙將閻鍰獻於京師丁卯王行瑜伏

誅王申齊州刺史朱瓊叛附於朱全忠十二月甲申朔丁丑王建陷利州刺史李繼顥死之

新書癸未朔昭宗御延喜門受俘馘百僚樓前賀制以李克

用守太師中書令進封晉王食邑九千戶改賜忠貞平

難功臣

閩州防禦使李繼雍蓬州刺史費存渠州刺史陳璠叛附於王建丙申建寇梓州戊辰通州刺

史李彥昭叛附於王建

是月克用班師太原制皇第三子祔封棣

王第五子禎封虔王第六子禔封沂王第七子禕封遂

王新書在元年十月丁酉舊書傳同。是歲安州防禦使宣晟陷桂州靜江軍節度使周元靜部將劉士政

死之晟自稱知軍府事

三年春正月癸丑朔制以特進戶部尚書兼京兆尹嗣

薛王知柔檢校司徒兼廣州刺史御史大夫清海軍節

度嶺南東道觀察處置等使以尚書右丞崔澤爲鳳州

刺史魏博羅宏信擊敗太原軍於莘縣初兗鄆求援於

太原克用令蕃將史完府何懷寶等千騎赴之至是又  
令大將李存信屯於莘縣魏人常假其道存信戢軍不  
謹或侵撓魏民宏信怒伏兵擊之其軍宵潰自是宏信  
南結於梁與太原絕亮鄆以至俱陷

王建陷龍州刺史田昉死之閏月丁

亥果州刺史周雄叛附於建

二月壬子朔制以通王滋爲開府儀同

三司判侍衛諸道軍事以銀青光祿大夫戶部尚書嘉  
興縣子食邑五百戶陸展爲兵部尚書三月壬午朔以  
考功員外郎集賢殿學士杜德祥爲工部郎中知制誥  
夏四月壬子朔湖南軍亂殺其帥劉建鋒三軍立其部  
將權知邵州刺史馬殷爲兵馬留後鎮海軍節度使錢



鏐攻越州下之斬董昌平浙東

新書在五  
月乙未

制加錢鏐檢

校太尉中書令五月辛巳朔責授梧州司馬崔昭緯賜

自盡制金紫光祿大夫戶部尚書門下侍郎同平章事

監修國史上柱國太原郡開國公王搏檢校左僕射

表

校戶部  
尚書

同平章事兼越州刺史鎮東軍節度浙東觀察

處置等使

新書在八月甲寅○癸未楊行密陷蘇州執

昭黔州武泰軍節度使王建肇奔於成都是月斬州六

月庚戌朔李克用牽沙陀并汾之衆五萬攻魏州及其

郭大掠於六郡陷成安洹水臨漳十餘邑報莘之怨也

鳳翔李茂貞怨國家有朱玫之討絕朝貢謀將犯闕天

子命覃王治兵以俟變是月茂貞上章請以兵師入觀  
上令通王覃王延王分統安聖捧宸保寧宣化等四軍  
以衛近畿丙寅鳳翔軍犯京畿覃王拒之於婁館接戰  
不利秋七月庚辰朔壬辰岐軍逼京師諸王率禁兵奉  
車駕將幸太原癸巳次渭北華州韓建遣子充奉表起  
居請駐蹕華州乃授建京畿都指揮安撫制置催促諸  
道綱運等使詔謂建曰啓途之行已在河東今且幸鄜  
時甲子次富平韓建來朝泣奏曰藩臣倔强非止茂貞  
雖太原勤王無宜巡幸臣之鎮守控扼關畿兵力雖微  
足以自固陛下若輕捨近畿遠巡極塞去園陵寢廟寧

不痛心失魏闕金湯又非良筭若輿駕渡河必難再復  
謀苟不臧悔之寧及願陛下且駐三峯以圖恢復上亦  
泣下曰朕難奈茂貞忿不思難卿言是也乙未次下邳  
丙申駐蹕華州以衙城爲行宮時岐軍犯京師宮室廬  
閭鞠爲灰燼自中和已來葺構之功掃地盡矣乙巳制  
以金紫光祿大夫中書侍郎兼禮部尚書同平章事集  
賢殿大學士判戶部事上柱國博陵縣開國伯崔胤檢  
校左僕射兼廣州刺史御史大夫清海軍節度嶺南東  
道觀察處置等使裴孫僇爲中書侍郎丙午制以翰林學士承旨  
尚書左丞知制誥嘉興開國子食邑五百戶陸扆爲戶

部侍郎同中書門下平章事

表徐彥若兼侍中大明宮留守京畿安撫制置使

八月己酉朔甲寅新除鎮東軍節度使錢鏐權領浙江

東道軍州事

案鏐是時爲鎮海軍節度未爲鎮東也且旣云新除鎮東又何必云權領邪此蓋以

鏐兼領浙東而新除鎮東之王搏未行復相故有新除鎮東之文且紀亦闕搏之復相疑在此月此錢鏐上當有闕

戊午制以戶部侍郎同平章事陸扆爲中書侍郎

兼判戶部事九月己卯朔汴州朱全忠河南尹張全義

與關東諸侯俱上表言秦中有災請車駕遷都洛陽全

忠全義言臣已表率諸侯繕治洛陽宮室優詔答之乙

未制新除清海軍節度使崔胤

爲中書侍郎兼戶部尚書復知政事

胤之出鎮朱全忠再表論奏言胤不宜去相位故有是

命

翰林學士承旨戶部侍郎崔遠同中書門下平章事

丁酉制中書侍郎集賢殿

大學士同平章事判戶部陸辰責授硤州刺史崔胤怒

展代已誣奏展黨庇茂貞故也丙寅制以鎮國軍節度

使韓建檢校太尉兼中書令充修復宮闕京畿制置催

促諸道綱運等使以京兆尹孫偓爲兵部

新書戶部

侍郎同

中書門下平章事

新書在二年十月

表戊申孫偓門下侍郎兼諸道鹽鐵轉運使判度支

冬十月戊申朔以中書舍人權知禮部貢舉薛昭緯爲

禮部侍郎

李克用及羅宏信戰於白龍潭敗之

壬子制以兵部侍郎同平

章事孫偓爲中書侍郎

表兼禮部尚書

充鳳翔行營招討使甲

寅偓於驛舍會諸將以議進軍戊午李茂貞上表章請

罪願改事君之禮繼修職貢仍獻錢十五萬助修京闕

韓建左右之師遂不行

威勝軍節度使王搏爲吏部尚書同中書門下平章事

十

一月丁丑朔以韓建兼領京兆尹京城把截使

戊午忠國軍節

度使李師悅卒其子繼微自稱留後

十二月丁未朔李克用縱兵俘剽魏

博諸郡邑以前翰林學士承旨尚書左丞知制誥趙光

遠爲御史中丞太常禮院奏權立行廟以備告饗從之

四年春正月丁丑朔車駕在華州行宮受羣臣朝賀癸

未

新書丙申

汴將龐師古陷鄆州節度使朱瑄與妻榮氏潰

圍瑄至中都爲野人所殺榮氏俘於汴軍朱全忠署龐

師古爲鄆州兵馬留後

己亥孫偓罷都統

宰相孫偓罷知政事

守兵部

表禮部

尚書

新書在二月乙亥

二月丙午朔戊申汴將葛

從周攻兗州陷之節度使朱瑾奔楊行密

其子其將康

懷貞降從周朱全忠署從周爲兗州兵馬留後自是鄆

齊曹棣兗沂密徐宿陳許鄭滑濮等州皆沒於全忠唯

王師範守青州亦納款於汴

保義軍節度使王洪寇河中

巳酉制朝

議大夫守右散騎常侍上柱國滎陽縣男鄭繁爲禮部

侍郎同中書門下平章事

新書在元年二月案本傳光化初昭宗還庶政未愜繁每

形於詩什昭宗聞之因以爲相則非特非元年並非四年矣疑當以傳爲正○楊行密爲江南諸道行營都統

癸丑責授硤州刺史陸扆爲工部尚書

王建陷瀘州刺史馬敬儒死之

甲寅華州防城將花重武告睦王巳下八王欲謀殺韓

建移車駕幸河中帝聞之駭然召韓建諭之建辭疾不敢行帝卽令通王已下詣建治所自陳建奏曰今日未時睦王濟王韶王通王彭王韓王儀王陳王等八人到臣治所不測事由臣酌量事體不合與諸王相見兼恐久在臣所於事非宜况睦王等與臣中外事殊尊卑禮隔至於事柄未有相侵忽然及門意不可測又引晉室八王撓亂天下事請依舊制令諸王在十六宅不合典兵其殿後捧日扈蹕等軍人皆坊市無賴之徒不堪侍衛伏乞放散以寧衆心昭宗不得已皆從之是日囚八王於別第殿後侍衛四軍二萬餘人皆放散殺捧日都



頭李筠於大雲橋下自是天子之衛士盡矣新書在正月乙酉

丙辰韓建上表請封拜皇太子親王以為維城之計已

未制德王裕宜冊為皇太子大赦饗於行廟辛酉制第八男祕

可封景王第九男祚可封輝王第十男祺可封祁王第

十一男禎可封雅王第十二男祥可封瓊王新書景王輝王祁王

在十月甲子封雅王瓊王在光化元年十一月甲寅封舊書傳同然是時韓建方囚八王請封皇子昭宗不得

已封之耳若在十月始封則建以害諸王不應更封皇子疑當存舊紀○辛未王建陷渝州三月丙

子朔戊寅制韓建進封昌黎郡王改賜資忠靖國功臣

以光祿大夫兵部尚書上柱國河間郡開國侯食邑二

千戶張濬為左僕射依前充租庸使表崔遠判戶部夏四月丙

午朔就加福建節度使王潮檢校右僕射韓建獻封事

十條其三太子諸王請置師傅教道乃以太子賓客王

牘為諸王侍讀表王搏為門下侍郎兼吏部尚書宰相

鄭縻以病乞骸乃罷知政事新書在元年七月表五月

乙亥朔以國子毛詩博士朱朴為右表諫議大夫同中書

門下平章事新書在三年八月案本傳朴相數月為韓

之反迹未著未至專殺宰相也疑當從舊書○王午朱

全忠陷黃州刺史瞿章死之六月貶王建為南州刺史

以李茂貞為劍南西川節度使嗣覃王嗣周為鳳翔隴

右節度使茂貞不受命嗣周及茂貞戰於奉天敗績表

乙巳崔遠為中書侍郎尚書七月甲戌帝與學士親王登齊雲

樓西望長安令樂工唱御制菩薩蠻詞奏畢皆泣下沾

襟覃王已下並有屬和八月甲辰朔以工部尚書陸展  
爲兵部尚書韓建與邢岐三鎮素有無君之迹及李克  
用誅行瑜心常切齒去歲車駕將幸河東乃令延王戒  
丕使太原見克用陳省方之意是月延王自太原還韓  
建奏曰自陛下卽位以來與近輔交惡皆因諸王典兵  
兇徒樂禍遂致輿駕不安比者臣奏罷兵權實慮有不  
測之變今聞延王覃王尚苞陰計願陛下宸斷不疑制  
於未亂卽社稷之福也上曰豈至是邢居數日以上無  
報乃與知樞密劉季述矯制發兵圍十六宅諸王懼披  
髮沿垣而呼曰官家救兒命或登屋沿樹是日通王覃

王已下一十王

通王滋沂王禪韶王彭王嗣韓王嗣陳王嗣覃王嗣周嗣延王戒丕嗣丹王允

并其侍者皆爲建兵所擁至石隄谷無少長皆殺之而

建以謀逆聞尋殺太子詹事馬道殷將作監許巖士

新書

在二月

貶同平章事朱朴

新書在二月表罷守祕書監

皆上所寵昵也

九月癸酉朔以御史中丞狄歸昌爲尚書右丞以刑部

侍郎楊涉爲吏部侍郎制以鎮海軍節度使錢鏐爲鎮

海軍節度浙江東西道觀察處置等使杭州越州刺史

上柱國吳王

錢鏐陷湖州忠國軍節度使張璠爲鳳翔西北行

營招討使靜難軍節度使李思諫爲鳳翔四面行營副都統以討李茂貞

冬十月癸卯朔以

華州節度使韓建兼同州刺史匡國軍節度使朱全忠

遣其將權徐州兵馬留後龐師古兗州留後葛從周率  
兗鄆曹濮徐宿滑等兵士七萬渡淮討楊行密制以大  
中大夫前御史中丞裴贇爲禮部尚書知貢舉幽州節  
度使劉仁恭大敗沙陀於安塞李克用單騎僅免

壬午遂州

刺史侯紹叛附於王建乙卯合州刺史王仁威叛附於建庚申建陷梓州劍南東川節度使顧彥暉死之

十月壬申朔癸酉淮南大將朱瑾潛出舟師襲汴軍於  
清口龐師古舉軍皆沒師古被執時葛從周自霍邱渡  
淮至濠州聞師古敗乃退軍信宿至淝河方渡而朱瑾  
至是日殺傷溺死殆盡還者不滿千人唯牛存節一軍  
先渡獲免比至潁州大雪寒凍死者十五六自古喪師

之甚無如此者繇是行密據有江淮之間以檢校司空  
權知兗州兵馬事葛從周爲兗州刺史泰寧軍節度使  
以潁州刺史王敬堯檢校左僕射徐州刺史武寧軍節  
度使從全忠奏也

丙子錢鏐陷台州十二月丁未威武  
軍節度使王潮卒其弟審知自稱留

後

光化元年春正月辛未朔車駕在華州

徐彥若爲司徒  
表王搏爲尚書

右僕射兼門下侍郎崔胤兼  
吏部尚書崔遠兼工部尚書

以兵部侍郎崔遠爲戶部

侍郎同中書門下平章事

新書在乾寧元年九月  
乙未案本傳當從新書諸道

貢修宮闕錢命京兆尹韓建入京城計度朱全忠遣判

官韋震奏事求兼領鄆州時全忠軍敗之後欲自大其

權以扼鄰藩之變

二月赦李茂貞

三月幽州節度使劉仁恭恃

安塞之捷欲吞噬河朔是月遣其子守文將兵襲滄州

節度使盧彥威棄城而遁

於汴州

守文遂據之自稱留後

夏四月庚子制淑妃何氏宜冊爲皇后上幸陟岵寺宴

從官於韓建所獻御莊

丙寅立淑妃何氏爲皇后

五月己巳朔以立

后大赦汴將葛從周率衆攻李克用邢洺磁等州陷之

辛未朱全忠陷洺州刺史邢善益死之又陷邢州王午陷磁州刺史袁奉韜死之

全忠署從周

爲三州兵馬留後

是月馬殷陷邵衡永三州刺史蔣勛揚師遠唐旻死之

六月己

亥帝幸西溪觀競渡天下藩牧文武百僚上表請車駕

還京秋七月

丙申

汴將氏叔琮陷趙匡凝之隨唐鄧等州

執隨州刺史趙匡璘

敕升華州爲興德府刺史爲尹左右司馬爲

少尹鄭縣爲次赤官員資望一同五府封華嶽爲佑順

侯八月戊戌朔

戊午朱全忠陷鄧州執刺史國湘

壬戌車駕自華還京

師自壬戌至華州

甲子御端門大赦改元光化九月戊辰朔以

御史中丞狄歸昌爲尚書左丞

案歸昌乾寧四年九月以中丞拜右丞矣若自

右轉左不必復書前銜疑屬重出行文

制以鎮國匡國等軍節度使

裴檢校太

尉兼侍中韓建守太傅中書令興德尹封潁川郡王賜鐵券

并御寫忠貞以遺之建累上表辭王爵乃改封許國公

丙子有星隕於北方甲申錢鏐陷蘇州

魏博節度使羅宏信進封臨清郡

王是月宏信卒

新書在十月

贈太師諡曰莊肅衙軍立其子



副大使紹威知兵馬事尋賜之節鉞冬十月丁酉朔河

南尹張全義加侍中已亥汴將朱友恭自江西行營還過

安州殺刺史武渝新書名瑜遣部將守之汴將張存敬以兵

襲蔡州刺史崔洪納款請以弟賢質於汴許之衢州刺史陳岌

叛附於楊行密十二月丙寅李克用將潞州節度使薛志勤死

癸未澤州刺史李罕之乘其無帥襲潞取之遣其子顥乞

降於汴全忠表罕之為節度使李克用陷澤州

二年春正月乙未朔給復綿劍二州二年丁未崔胤罷表守吏部尚書以兵

部尚書陸展為兵部侍郎表本官同中書門下平章事是月

李罕之陷泌州表陸展為中書侍郎二月甲子蔡州刺史兼戶部尚書徐彥若兼門下侍郎

崔洪爲衙兵所迫同竄淮南時洪以弟賢質於汴汴人  
遣賢還蔡徵兵三千出征蔡兵亂殺賢遂擁洪渡淮朱  
全忠令其子友裕守蔡州幽州節度使劉仁恭驅燕軍  
十萬將兼趙魏是月陷貝州人無少長皆屠之投尸清  
水爲之不流

新書在正月

遂進攻魏州羅紹威求救於汴三

月朱全忠遣大將張存敬率師援之屯於內黃葛從周  
自邢洺率勁騎八百入魏州燕將劉守文單可及聞汴  
軍在內黃引軍往擊之存敬設伏內黃東大敗燕軍俘  
斬三萬生擒單可及劉守文以餘衆還魏州爲存敬從  
周所乘燕軍復敗仁恭父子僅免汴魏合兵躡之趙人

復邀之東境自魏至滄五百里間僵屍相枕

丁未朱全忠陷澤州

是春有白氣竟天如練自西南徹東北而旋有燕卒之敗夏四月汴將氏叔琮由上黨進軍攻太原出石會爲沙陀擒其前鋒將陳章叔琮乃退去六月制以昭義軍節度使檢校太尉兼太師侍中潞州長史隴西郡開國公食邑三千戶李罕之爲孟州刺史河陽三城節度孟懷觀察等使以檢校司徒孟州刺史河陽節度使丁會爲澤潞節度使從全忠奏也丁丑李罕之至懷州卒於傳舍陝州軍亂殺其帥王瑛立都將李璠爲留後丁亥制以前太常卿劉崇望爲吏部尚書兵部侍郎裴樞爲

吏部侍郎戶部侍郎薛昭緯爲兵部侍郎秋七月青州

守海州將牛從毅新書陳漢賓擁郡人投淮南行密遂有海

州馬殷陷道州刺史蔡結死之冬十一月徐彥若爲太保王搏爲同

史馬殷陷郴州連二州刺史陳彥謙魯景仁死之辛丑陝州衙將朱簡殺李璠自

稱留後降汴全忠表簡爲帥守

三年春正月庚子朔以禮部尚書裴贇爲刑部尚書癸

卯朱全忠表本貫宋州碭山縣蒙恩升爲輝州其地卑

溼難葺廬舍請移輝州治所於單父縣從之仍賜號爲

崇德軍夏四月戊午汴魏合軍攻滄州以報入郭之役

葛從周連陷滄德郡邑王鎔遣使和解於全忠令劉仁

恭修好汴魏班師辛未皇后太子謁九廟

表崔遠兼吏部尚書

六

月丁巳朱全忠表陝州兵馬留後朱簡鄉里同宗改名

友謙乞真授節鉞從之

丁卯清海軍節度使崔胤為尚書左僕射兼門下侍郎同中書

門下平章事表諸道鹽鐵轉運使

戊辰特進司空門下侍郎同平章事

監修國史王搏

表罷為工部侍郎

貶崖州司戶

已

尋賜死於藍

田驛樞密使宋道弼景務修並死為崔胤所誣言三人

中外相結也秋七月丁亥朔兵部尚書劉崇望卒贈司

空甲午兵部郎中薛正表為右諫議大夫以許州刺史

朱友恭檢校司徒為潁州刺史以左武衛將軍趙霖檢

校左僕射為許州刺史宣武押衙劉知俊檢校右僕射

爲鄭州刺史從全忠奏也戊申制以武貞軍節度澧朗  
叙等州觀察處置等使開府儀同三司檢校司徒同平  
章事朗州刺史上柱國馮翊郡開國侯食邑一千五百  
戶雷滿檢校太保封馮翊郡王餘如故以武泰軍節度  
黔中觀察處置等使光祿大夫檢校左僕射黔州刺史  
御史大夫上柱國趙崇封天水縣開國子食邑五百戶  
庚戌制昭義軍節度留後光祿大夫檢校司空上柱國  
孟遷檢校司徒兼潞州長史昭義軍節度副大使知節  
度事潞磁邢洺觀察處置等使封平昌縣男食邑三百  
戶從李克用奏也以金紫光祿大夫守兵部尚書上柱

國樂安郡開國公食邑一千五百戶孫儲守兵部尚書  
兼京兆尹乙卯制忠烈衛聖鎮國功臣劍南西川節度  
副大使知節度事管內觀察處置統押近界諸蠻兼西  
山八國雲南安撫制置等使開府儀同三司檢校太尉  
中書令成都尹上柱國瑯琊郡王食邑三千戶實封一  
百戶王建可兼劍南東川武信軍兩道都指揮制置等  
使加食邑一千戶餘如故時建攻下梓州顧彥暉兼有  
東川洋果聞等州故也又以忠義軍節度山南東道管  
內觀察處置三司水陸發運等使開府儀同三司檢校  
太尉中書令兼襄州刺史上柱國南平郡王食邑三千

戶趙匡凝可檢校太師兼中書令加實封一百戶

浙江  
溢

八月丙辰朔朱全忠奏先割汝州隸許州請却還東都  
河陽先管澤州今緣蕃戎占據得失不常請權割河南  
府王屋清河鞏三縣隸河陽從之癸亥制忠貞平難功  
臣河東節度管內觀察處置等使開府儀同三司守太  
師兼中書令北都留守太原尹上柱國晉王食邑九千  
戶食實封七百戶李克用加實封一百戶丁卯以朝請  
大夫虞部郎中知制誥上柱國賜紫金魚袋顏蕘爲中  
書舍人已巳制前歸義軍節度副使權知兵馬留後銀  
青光祿大夫檢校國子祭酒監察御史上柱國張承奉



檢校左散騎常侍兼沙州刺史御史大夫歸義軍節度  
瓜沙伊西等州觀察處置押蕃落等使庚辰太原大將  
李嗣昭攻洺州下之執汴將朱紹宗汴將葛從周率師  
赴之嗣昭棄城而去從周邀之於青山口晉軍大敗從  
周乘勝攻鎮州壬午制荆南節度忠萬歸夔涪峽等州  
觀察處置水陸催運等使開府儀同三司檢校太尉兼  
中書令江陵尹上柱國上谷郡王食邑三千戶成汭可  
檢校太師中書令餘如故甲申制扶危匡國致理功臣  
特進行尚書左僕射兼門下侍郎同平章事監修國史  
判度支上柱國清河郡開國公食邑二千戶崔胤可開

府儀同三司進封魏國公加食邑一千戶餘如故九月

丙戌朔朱全忠引三鎮之師攻鎮州王鎔懼遣判官周

式副大使王昭祚主事梁公儒子弟爲質於汴出犒師

絹十五萬正求盟許之張存敬遂自深冀進軍攻瀛莫

下郡邑二十阻雨泥濘不及幽州遂西行陷祁州

新書在十

月辛巳刺史楊約死之大敗中山將王處直軍於河北進屯懷德

驛遂攻定州節度使王郜奔太原

新書在十月甲申

衙將王處

直斬孔目官梁汶出縑二十萬乞盟許之全忠遂署王

處直爲義武軍留後

錢鏐陷婺州刺史王瓊奔於宣乙州衢州刺史陳炭叛附於錢鏐

已制扶危匡國致理功臣開府儀同三司守太保兼門

下侍郎同平章事充太清宮使修奉太廟使宏文館大學士延資庫使諸道鹽鐵轉運等使上柱國齊國公食邑五千戶食實封一百戶徐彥若可檢校太尉同平章事清海軍節度嶺南東道管內觀察處置供軍糧料等使丙午制光祿大夫中書侍郎兼吏部尚書同平章事集賢殿大學士判戶部事博陵郡開國公食邑二千戶崔遠罷知政事守本官

表兵部尚書

戊申制左僕射門下侍

郎同平章事監修國史判度支崔胤充太清宮使修奉太廟使宏文館大學士延資庫使依前判度支兼諸道鹽鐵轉運等使光祿大夫中書侍郎兼戶部尚書同平

章事上柱國吳郡開國公食邑一千五百戶陸辰爲門

下侍郎戶部尚書監修國史以正議大夫守刑部尚書

上柱國河東縣開國男食邑三百戶賜紫金魚袋裴贇

爲中書侍郎兼刑部尚書同中書門下平章事集賢殿

大學士以銀青光祿大夫行吏部侍郎上柱國裴樞爲

中書新書侍郎同中書門下平章事判戶部事新書在天復元

年二辛亥光祿大夫右僕射租庸使張濬罷租庸使守

本官甲寅朱全忠陷瀛州冬十月丙辰朔全忠陷景州執刺史劉仁霸辛酉以

前清海軍節度副使朝散大夫檢校左散騎常侍御史

大夫上柱國王溥守左散騎常侍充鹽鐵副使癸未制

以保義軍節度留後銀青光祿大夫檢校戶部尚書兼

御史大夫上柱國朱友謙爲金紫光祿大夫檢校右僕

射兼陝州長史御史大夫保義軍節度陝虢觀察處置

等使十一月乙酉朔庚寅

新書已丑

左右軍中尉劉季述王

仲先

內樞密使王彥範薛齊偓

廢昭宗幽於東內問安宮講皇太子

裕監國時昭宗委崔胤以執政胤恃全忠之助稍抑宦

官而帝自華還宮後頗以禽酒肆志喜怒不常自宋道

弼等得罪黃門尤懼至是上獵苑中醉甚是夜手殺黃

門侍女數人庚寅日及辰巳內門不開劉季述詣中書

謂宰相崔胤曰宮中必有不測之事大臣安得坐觀我

等內臣也可以便宜從事卽以禁兵千人破關而入問  
訊中人具知其故卽出與宰臣謀曰主上所爲如此非  
社稷之主也廢昏立明具有故事國家大計非逆謀也  
卽召百官署狀崔肩等不獲已署之季述仲先與汴州  
進奏官程巖等十三人請對對訖季述上殿待罪次左  
右軍將士齊唱萬歲聲遂突入宣化門行至思政殿便  
行殺戮徑至乞巧樓下帝遽見兵士驚墮牀下起而將  
去季述仲先掖而令坐何皇后遽出拜曰軍容長官護  
官家勿至驚恐有事取軍容商量季述卽出百官合同  
狀曰陛下倦臨寶位中外羣情願太子監國請陛下頤

養於東宮帝曰吾昨與卿等歡飲不覺太過何至此耶  
皇后曰聖人依他軍容語卽於御前取國寶付季述卽  
時帝與皇后共一輦并常所侍從十餘內人赴東宮入  
後季述手自扃鎖院門日於窓中通食器是日辛卯迎  
皇太子監國矯宣昭宗命稱上皇甲午宣上皇制太子  
登皇帝位宰臣百僚方鎮加爵進秩又賜百僚銀一千  
五百兩絹千疋綿萬兩充救接皆季述求媚於朝也丁未  
太白時朱全忠在定州行營崔胤與前左僕射張濬告  
書見難於全忠請以兵問罪全忠自行營還大梁十二月乙  
卯朔

劉季述殺  
睦王倚

癸未夜護駕鹽州都將孫德昭周承誨

董彥弼以兵攻劉季述王仲先殺仲先攜其首詣東宮門呼曰逆賊王仲先已斬首訖請陛下出宮慰諭兵士宮人破鑰帝與皇后方得出

是歲馬殷陷桂宜巖柳象五州睦州刺史陳晟卒其

弟詢自稱刺史

天復元年春正月甲申朔

新書乙酉

昭宗反正登長樂門樓

受朝賀班未退孫德昭執劉季述至樓前上方詰責已

爲亂棒擊死乃尸之於市

薛齊偓伏誅

乙酉制以孫德昭檢

校司空靜海軍節度使丙戌

新書壬子

宰相崔胤進位司空

己丑朱全忠械程巖折足檻送京師戮於市制皇太子

裕降爲德王改名祐

新書在乙酉

庚寅制以孫德昭爲安南



節度使

案安南卽靜海軍也疑重出

檢校太保以周承誨爲邕州刺

史邕管節度經略使以董彥弼爲容州刺史容管節度

等使並檢校太保同平章事殺神策軍使李師虔徐彥

回敕曰朕臨御已來十有四載常慕好生之德固無樂

殺之心昨季述等幽辱朕躬迫脅太子李師虔是逆賊

親厚選來東內主持動息之間俾其偵伺每有須索皆

不供承要紙筆則恐作詔書索錐刀則慮爲利器凌辱

萬狀出入搜羅朕所御之衣晝服夜濯凝冽之際寒苦

難勝嬪嬙公主衾裯皆闕緡錢則貫百不入緡帛則尺

寸難求六輩同其主張五人權其威勢若言狀罪翰墨

難窮若許生全是爲貸法宜並處斬時朱全忠旣服河朔三鎮欲窺圖王室篡代之謀以李克用在太原懼其角逐是月戊申全忠令大將張存敬率兵三萬由舍山襲

河中王珂晉州刺史張漢瑜絳州刺史陶建不意賊至城守無備皆以城降存敬移兵圍河中王珂求救於太原克用不能救乃嬰城謂存敬曰吾與汴王有舊俟王至卽降二月甲寅朔以早避正殿減膳戊辰朱全忠至河中遂

移王珂及兄璘弟瓚舉室徙於汴以張存敬守河中是

月辛未制以朱全忠檢校太師守中書令進封梁王翰林學士

戶部侍郎王溥爲中書侍郎同中書門下平章事三月癸未朔全忠引軍歸汴

奏河中節度使歲貢課鹽三千車臣今代領池場請加

二千車歲貢五千車候五池完葺則依平時供課額從

之夏四月癸丑朔新書壬子朔汴軍大舉攻太原陷澤沁二州氏

叔琮以兵三萬由天井關進攻澤潞節度使孟遷以上

黨降新書在三叔琮長驅出石會關營於洞渦驛葛從

周率趙魏中山之兵由土門入陷承天軍與叔琮會時

屬大雨芻糧不給汴將保衆而還丁巳儀州刺史張鄂叛附全忠甲戌

天子有事於宗廟是日新書丙子御長樂門大赦天下改元

天復武德貞觀配饗功臣主祭子孫叙進之介公鄴公後予一子九品正員官免光化以來畿內逋負

李茂貞自鎮來朝新書在五月賜宴於壽春殿進錢數萬緡

時中尉韓全誨及北司與茂貞相善宰相崔胤與朱全忠相善四人各爲表裏全忠欲遷都洛陽茂貞欲迎駕鳳翔各有挾天子令諸侯之意五月壬午朔庚子制門下侍郎同平章事陸扆加兵部尚書進階特進

表裴贄兼戶部

尚書

壬寅制以朱全忠兼河中尹河中節度晉絳慈隰觀

察處置安邑解縣兩池權鹽制置等使

六月李克用陷慈隰二州閏

六月辛巳朔制以河陽節度使丁會檢校司徒兼潞州長史昭義軍節度使代孟遷以遷檢校司徒河陽節度使全忠奏也仍請於昭義節度官階內落下邢洺磁三州却以澤州爲屬郡其河陽節度只以懷州爲屬郡從

之全忠又奏請以齊州隸鄆州從之冬十月己卯朔戊戌全忠引四鎮之師七萬赴河中京師聞之大恐豪民皆亡竄山谷十一月己酉朔壬子中尉韓全誨與鳳翔護駕都將李繼誨奉車駕出幸鳳翔是日新書汴軍陷同州執州將司馬鄴華州節度使韓建遣判官李巨川送款甲寅汴軍駐靈口乙卯全忠知帝出幸乃迴兵攻華州大軍駐赤水全忠以親兵駐西溪丁巳韓建出降乃署爲忠武軍節度使以陳州爲理所丁巳宰相崔胤令戶部侍郎王溥至赤水砦促全忠以兵迎駕戊午全忠自赤水趨長安崔胤率文武百僚太子太師盧知猷以

下迎全忠於坡頭庚申汴軍趨鳳翔

辛酉兵部侍郎盧光啓權勾當中書

事癸亥李茂貞及朱全忠戰於武功敗績丁卯盧光啓爲右諫議大夫參知機務

戊辰至岐下

全忠令判官李擇裴鑄入城奏事言臣在河中得崔胤

書言奉密詔令臣以兵士迎駕臣不敢擅自迎鑾昭宗

怒胤矯命連詔全忠以兵士還鎮辛未全忠引軍離鳳

翔退攻邠州甲戌制扶危致理功臣開府儀同三司守

司空門下侍郎同平章事充太清宮使宏文館大學士

延資庫使諸道鹽鐵轉運等使判度支上柱國魏國公

食邑五千戶食實封二百戶崔胤可責授朝散大夫守

工部尚書

裴樞罷表守工部尚書

乙亥邠州節度使李繼徽以城

降全忠乃舍其孥於河中以繼徽從軍以汴軍營於三

原十二月己卯崔胤自長安至三原砦與全忠謀攻鳳

翔鍾傳陷吉州是歲清海軍節度使徐彥若卒行軍司馬劉隱自稱留後武貞軍節度使雷滿卒其子彥威

自稱留後

二年春正月戊申朔車駕在鳳翔全忠在三原李克用

遣大將周德威攻慈隰晉等州全忠歸河中令其將朱

友寧率衆五萬屯絳州大敗太原軍於蒲縣西北友寧

乘勝追奔陷汾州新書在三進圍太原天子遣諫議大

夫張顥至晉州諭全忠令與太原通和屬友寧再戰不

利乃還關西丁卯給事中韋貽範爲工部侍郎同中書門下平章事丙子給事中嚴龜爲汴岐和

協使二月己亥盜發簡陵王建昭利州昭武軍節度使

李繼忠奔於鳳翔三月庚戌晝晦乙卯浙江大雨雪戊

午朱全忠陷慈隰二州丁卯夏四月丁丑朱友寧總大軍

卯李克用陷汾慈隰三州

屯於興平盧光啓罷表為太子少保○丙申温州刺史朱褒卒其兄敖自稱刺史楊行密陷昇州

五月岐軍出戰大敗於武功南之漢谷全忠聞捷自引

汴軍五萬西征庚午韋貽範罷六月進營號縣丁亥進圍鳳翔

遣判官入城迎駕丙子中書舍人蘇檢為工部侍郎同中書門下平章事丙戌朱全忠陷鳳

州甲辰全忠陷成州乙巳陷隴州八月己亥韋貽範起復辛丑王建陷興元山南西道節度

秋七月使王萬宏叛附於建九月戊申岐軍出戰戰於槐林又敗武定軍節度使拓跋思敬叛附

於王建冬十月癸酉楊行密為東面諸道行營都統及十

一月鄜州節度使李周彝新書名茂勳後降率眾救鳳



翔丙辰韋

十二月癸酉朔

癸巳温州將丁章逐其刺史朱敖

已亥汴將

孔勅乘虛襲下鄜州獲周彝妻子周彝卽以兵士來降

於是邠寧鄜坊等州皆陷於汴軍茂貞懼謀誅內官以

解

是歲盧光稠陷韶州岳州刺史鄧進思卒其弟進忠自稱刺史

三年春正月癸卯朔車駕在鳳翔甲辰天子遣中使到

全忠軍茂貞亦令軍將郭啓奇來達上欲還京之旨丙

午青州牙將劉鄩陷全忠之兖州又令牙將張厚入奏

是日亦竊發於華州殺州將婁敬思上又令戶部侍郎

韓偓趙國夫人寵顏宣諭於全忠軍

戊申殺左右神策軍護軍中尉韓全

誨張彥宏內樞密使袁易簡周敬容

辛亥全忠令判官李振入奏上令翰

林學士姚洎傳宣令全忠喚崔肩令率文武百僚來迎  
駕癸丑上令禮部尚書蘇循傳詔賜全忠玉帶仍令全  
忠處分蔣元暉侍帝左右丁巳蔣元暉與中使同押送  
中尉韓全誨張彥宏已下二十人首級告諭四鎮兵士  
迴鑾之期戊午遣中使走馬華州追崔肩託疾不至  
甲子巳時車駕出鳳翔幸全忠軍全忠素服待罪泣下  
不自勝上親解玉帶賜之乙丑扶風令朱友倫總兵侍  
衛丙寅次武功丁卯次興平宰臣崔肩率百僚迎謁卽  
日降制新書  
壬子以崔肩守司空門下侍郎同平章事復太  
清宮使宏文館大學士延資庫使諸道鹽鐵轉運等使

判度支魏國公封邑如故戊辰次咸陽己巳入京師天

子素服哭於太廟改服冕旒謁九廟禮畢御長樂樓大

赦百僚稱賀全忠處左軍辛未宴全忠於內殿內弟子

奏樂是日新書庚午制內官第五可範已下七百人並賜死

於內侍省其諸道監軍及小使仰本道節度使處斬訖

奏從全忠崔胤所奏也帝悲惜之自爲文祭之丁章伏誅二

月壬申朔雨土甲戌制賜全忠迴天再造竭忠守正功臣

名制以門下侍郎兵部尚書同平章事監修國史陸扆

責授沂王傅分司丙子朱全忠殺蘇檢盧光榮王溥罷表爲戶部侍郎戊寅降京師河中

鳳翔興德府同邪已卯制以輝王祚充諸道兵馬元帥

鄜州死罪已下

庚辰

又制以迴天再造竭忠守正功臣宣武宣義天平護

國等軍節度汴宋毫輝河中晉絳慈隰鄭滑潁鄆齊曹

等州觀察處置等使太清宮修葺宮闕制置度支解縣

池場等使開府儀同三司檢校太師守中書令河中尹

汴滑鄆等州刺史上柱國梁王食邑九千戶食實封六

百戶朱全忠可守太尉中書令充諸道兵馬副元帥進

邑三千戶以宰臣崔胤守司徒兼侍中

表丙子

判六軍十

二衛

新書在正月辛未

以吏部尚書同平章事裴樞檢校右僕

射同平章事兼廣州刺史清海軍節度嶺南東道觀察

等使

新書在元年十一月甲戌罷守工部尚書無清海之除豈元年罷相至此出鎮耶

已丑上

宴全忠於壽春殿又令全忠與茂貞書取平原公主同  
州節度使趙翊陝州節度使朱友謙來朝制以朱友裕  
爲華州刺史感化軍節度使乙未會鞠於保寧殿全忠  
得頭籌令內弟子送酒仍面賜副元帥官告以新除廣  
州節度使裴樞爲門下侍郎吏部尚書同平章事監修  
國史以戶部侍郎王溥同中書門下平章事新書在元  
年二月拜  
是年二月丙子罷案博舊書無傳据新書罷相之時舊  
書尚未拜也然舊書元年十一月猶書戶部侍郎崔胤  
尚命之至全忠軍若同爲宰臣胤不應使之矣但舊書  
不書罷免歲月而哀帝卽位卽書太常卿未知罷於何  
時也戊戌全忠歸大梁上宴之內殿置酒於延喜門是日  
全忠與四鎮判官皆預席上臨軒泣別又令中使走送

御製楊柳枝詞五首賜之辛丑平原公主至京師三月

壬寅朔全忠引四鎮之兵征王師範先是大將朱友寧

楊師厚前軍臨淄青師範求援於淮南楊行密遣將王

景仁率眾萬人赴之

朱全忠陷青州楊行密陷密州刺史劉康又死之

夏四月

辛未朔西川王建以兵攻秦隴乘茂貞之弱也仍遣判

官韋莊入貢修好於全忠

已卯朱全忠判元帥府事

五月制鳳翔隴

右四鎮北庭行軍彰義軍節度涇原渭武觀察處置押

蕃落等使開府儀同三司守尚書令兼侍中鳳翔尹上

柱國秦王李茂貞可檢校太師守中書令初茂貞凌弱

王室朝廷姑息加尚書令及是全忠方守太尉茂貞懼

乞罷尚書令故也崔胤奏六軍十二衛名額空存實無  
兵士京師侍衛亦藉親軍請每軍量召募一千一百人  
共置六千六百人從之乃令六軍諸衛副使京兆尹鄭

元規立格招收於市制以潁州刺史朱友恭檢校司空

兼徐州刺史武寧軍節度使從全忠奏也六月乙亥朱全忠陷

登青州淮南軍與汴人戰於臨淄汴軍大敗朱友寧戰

死傳首淮南秋八月庚辰劍南東西川節度使檢校太師王建守司徒九月楊行密殺

奉國軍節度使朱延壽汴將楊師厚大敗青州軍於臨朐辛亥朱全忠陷

棣州刺史邵播荆南節度使成汭以舟師赴援鄂州澧

死之陷密州朗雷彥恭乘虛襲陷江陵汭軍士聞之潰歸汭憤怒投

水而死

新書在五月王子荆南節度使成汭及楊行密戰於君山死之武貞軍節度使雷彥威之弟彥

恭陷江陵趙匡凝遂以兵襲荊州據之

新書在十月

辛巳汴州護

駕都將朱友倫擊鞠墜馬卒全忠怒殺同鞠將校數人

冬

十月王建陷忠萬施三州甲戌夔州陷

十一月丁酉朔王師範以青州

降楊師厚

新書在九月戊午

全忠復令師範知青州事邠州鳳

翔兵士逼京畿汴軍屯河中青州牙將劉鄩以兗州降

葛從周稟師範命也

新書在十月丁亥

全忠嘉之署爲元帥府

都押衙權知鄆州留後事十二月丁卯朔

裴贄罷表爲尚書左僕射

楊行密陷宣州寧國軍節度使田頌死之

幸巳制以禮部尚書獨孤損爲

兵部侍郎同中書門下平章事丙申制守司徒兼侍中



同平章事太清宮使宏文館大學士延資庫使判六軍  
十二衛事諸道鹽鐵轉運使判度支上柱國魏國公食  
邑四千五百戶崔胤責授太子賓客

新書在天祐元年正月乙巳

守

刑部尚書兼京兆尹六軍諸衛副使鄭元規責授循州  
司戶是日汴州扈駕指揮使朱友諒殺胤及元規皇城  
使王建勲飛龍使陳班閤門使王建襲客省使王建父  
前左僕射上柱國河間郡公張濬

新書胤元規班死在天祐元年正月己酉

全忠將逼車駕幸洛陽懼胤濬立異也

天祐元年春正月丁酉朔以翰林學士左拾遺柳璨爲  
右諫議大夫同中書門下平章事賜紫金魚袋

新書在乙巳

已亥乙巳制以兵部尙書崔遠爲中書侍郎同中書門下

平章事集賢殿大學士乙巳裴樞判左三軍事獨孤損判右三軍事裴樞諸道鹽鐵轉

運使損判度支已酉全忠率師屯河中遣牙將寇彥卿奉表請

車駕遷都洛陽全忠令長安居人按籍遷居徹屋木自

渭浮河而下連薨號哭月餘不息秦人大罵於路曰國

賊崔胤召朱溫傾覆社稷俾我及此天乎天乎丁巳新書

戊午車駕發京師癸亥次陝州全忠迎謁於路新書在二月戊寅

二月丙寅朔日中見北斗乙亥全忠辭赴洛陽親督工作甲申

封子禎爲端王祁豐王福和王禧登王祐嘉王三夏四

月丁未朱全忠兼判左右神策及六軍諸衛事月丙寅朔癸巳帝遣晉國夫人可證傳詔諭全忠言中

宮誕蓐未安取十月入洛陽宮全忠意上遲留俟變怒甚謂牙將寇彥卿曰亟往陝州到日便促官家發來閏月乙未朔丁酉車駕發陝州壬寅次穀水行宮

朱全忠來朝

時崔胤所募六軍兵士胤死後亡散並盡從上東遷者唯諸王小黃門十數打球供奉內園小兒共二百餘人全忠在陝仍慮此輩爲變欲盡去之以汴卒爲侍衛至穀水頓全忠令醫官許昭遠告內園等謀變因會設幄酒食次並坑之乃以謀逆聞由是帝左右前後侍衛職掌皆汴人也甲辰車駕由徽安門入朱全忠張全義宰相裴樞獨孤損前導是日大風雨土跬步不辨物色日

暝稍止上謁太廟禮畢還宮御正殿宣勞從官衛士受  
賀乙巳上御光正門大赦制曰乃睠中州便侯伯會朝  
之路運逢百六順古今禳避之宜况建鼎舊京我家二  
宅輾轅通其左邾鄆引其前周平王之東遷更延姬姓  
漢光武之定業克茂劉宗肇葺新都祈天永命皆因否  
運復啓昌期或西避於戎狄或載殲於妖孽朕遭家不  
造布德不明十載以來三罹播越亦屬災纏秦雍叛起  
邠岐始幸石門以避衛兵之亂載遷華嶽仍驚畿邑之  
侵憂危則矢及車輿凌脅則火延宮廟迨至逆連宮豎  
構結姦兇致劉季述幽朕於下宮韓全誨劫予於右輔

莫非兵圍內殿焰亘九重皆思假武以容身唯效指鹿而威衆矯宣天憲欺蔑外藩行書詔以任情欲忠良而獲罪雖羣方岳牧協力匡扶拘戎律於阻修報朝恩而隔越副元帥梁王全忠以兼鎮近輔總兵四藩遠赴岐陽躬迎大駕辛勤百戰盡勦兇渠營野三年竟迴鑾輅咸鎬載新其宮闕讓珪絕類於闕徒方崇再造之功以正中興之運又邠岐結釁巴蜀連兵上負國恩下隳隣好焚宮烈火更延熬於親鄰却駕兇鋒復延侵於禁苑抑又太乙遊處並集六宮罰星熒惑久纏東井元象荐災於秦分地形無過於洛陽爰有一二盡臣泊四方同

志竭心王室其誓嘉謀魏鎮定燕航大河而畢至陳徐  
潞蔡輦巨軸以偕來披荆棘而立朝廷刻灰燼而化輪  
奭左郊祧而右社稷肅爾崇嚴前廣殿而後重廊藹然  
華邃公卿僉議龜筮協從甲子今年孟夏初吉備法駕  
而離陝分列百官而入洛郊觀此殷繁良多嘉慰謝罪  
太廟憂惕驚懷登御端門軫惻興感蓋以一人寡祐致  
萬姓靡寧工役艱疲忠良盡瘁克建再遷之業冀延八  
百之基宜覃渙汗之恩俟此雍熙之慶滌瑕盪垢咸與  
維新可大赦天下改天復四年爲天祐元年於戲肆眚  
闔闔卽安宮闈雖九廟几筵已闕於新室而諸陵松栢

遙隔於舊都將務久寧難申綰慕文武百辟執事具僚  
從我千里而來端爾一心莅政恩覃既往効責從新方  
當開國之初必舉慢官之罰戊申敕今後除留宣徽兩  
院小馬坊豐德庫御厨客省閤門飛龍莊宅九使外其  
餘並停內院冰井公事委河南尹仍不差內夫人傳宣  
殺醫官閻祐之國子博士歐陽特言星識也表乙卯宰相  
裴樞兼右僕射諸道鹽鐵轉運等使監修國史戶部尚  
書門下侍郎同平章事獨孤損判度支表崔遠兼兵部尚書中書  
侍郎同平章事柳璨判戶部事表無五月乙丑朔丙寅制  
加河陽節度使張漢瑜同平章事宴百僚於崇勲殿上

贊述全忠之功業因言御樓前一日所司亡失赦書賴  
元帥府收得副本施行幾失事矣中書不得無過裴樞  
等起待罪中飲帝更衣召全忠曲宴閣中全忠懇辭帝  
曰朕以全忠功業崇高欲齋中款曲以表庇賴耳全忠  
既不欲來卽令敬翔來朕與之言全忠令敬翔私退奏  
曰敬翔亦醉而出矣己巳全忠辭赴大梁宴於崇勳殿  
是日雨甚乙酉翰林學士左諫議大夫知制誥沈棲遠  
守本官以病陳乞故也丁亥敕河南府畿縣先減尉一  
員可準京兆府例復置縣尉一員癸巳中書奏準今年  
四月十一日敕文陝州都督府改爲興唐府其都督府



長史宜改爲尹左右司馬爲少尹錄事爲司錄陝縣爲  
次赤餘爲次畿從之六月甲午朔邠州楊崇本侵掠關  
內全忠遣朱友裕屯軍於百仁村丙申通義大夫中書  
舍人賜紫金魚袋楊注可充翰林學士庚子三佛齊國  
入朝使蒲訶栗可寧遠將軍丁未制金紫光祿大夫太  
子少傅盧紹可太子太保致仕銀青光祿大夫太子少  
師天水縣男食邑三百戶趙崇可檢校右僕射甲寅以  
京兆少尹鄭韜光爲太常少卿前侍御史韋說爲右司  
員外郎前進士姚顗爲校書郎前進士趙頎劉明濟竇  
專並可祕書省校書郎正字從柳璨奏也荆南襄州忠

義軍節度使開府儀同三司檢校太師中書令江陵尹

襄州刺史上柱國楚王食邑六千戶趙匡凝宜備禮冊

命靜難軍節度使楊崇本會李克用王建兵以討朱全忠秋七月癸亥朔全忠率

師討邠鳳甲子自汴至洛陽宴於文思毬場全忠入百

官或坐於廊下全忠怒笞通引官何凝乙丑全忠以兵屯於河中丙

寅制金紫光祿大夫行御史中丞上柱國韓儀責授棣

州司馬侍御史歸藹責授登州司戶坐百官傲全忠也

甲戌制以中大夫中書舍人上柱國賜紫金魚袋杜彥

林爲太中大夫守御史中丞丁丑制以兵部郎中蕭頤

爲吏部郎中戶部郎中徐綰爲兵部郎中司勳員外郎

張茂樞爲禮部郎中監察御史邠殷象爲右補闕己卯  
制武昌軍節度鄂岳蘄黃等州觀察處置兼三司水陸  
發運淮南西面行營招討等使開府儀同三司檢校太  
師中書令西平郡王食邑三千戶杜洪加食邑一千戶  
食實封二百戶庚寅中書奏西京舊有凌煙閣圖畫功  
臣今遷都洛陽合議修建副元帥梁王勳庸冠世請凌  
煙閣之側別創一閣以表殊勳從之八月壬辰朔壬寅  
夜朱全忠令左龍武統軍朱友恭右龍武統軍氏叔琮  
樞密使蔣元暉弒昭宗於椒殿自帝遷洛陽李克用李  
茂貞西川王建襄陽趙匡凝知全忠篡奪之謀連盟舉

義以興復爲辭而帝英傑不羣全忠方事西討慮變起於中故害帝以絕人望帝自離長安日憂不測與皇后內人唯沈飲自寬是月壬寅全忠令判官李振自河中至洛陽與友恭等圖之是夜二鼓蔣元暉選龍武衛官吏太等百人叩內門言軍前有急奏面見上內門開元暉每門留卒十人至椒殿院貞一夫人啓關謂元暉曰急奏不應以卒來史太執貞一殺之急趨殿下元暉曰至尊何在昭儀李漸榮臨軒謂元暉曰院使莫傷官家寧殺我輩帝方醉聞之遽起史太持劍入椒殿帝單衣旋柱而走太追而殺之漸榮以身護帝亦爲太所殺復

執何皇后將殺之后求哀於元暉元暉以全忠止令害  
帝釋后而去帝殂年三十八羣臣上諡曰聖穆景文孝

皇帝廟號昭宗二年二月二十日葬於和陵

明年起居郎蘇楷請

更諡恭靈莊閔廟號襄宗至後唐同光初復故號諡云

新書贊曰自古亡國未必皆愚庸暴虐之君也其禍  
亂之來有漸積及其大勢已去適丁斯時故雖有智  
勇有不能為者矣可謂真不幸也昭宗是已昭宗為  
人明雋初亦有志於興復而外患已成內無賢佐頗  
亦慨然思得非常之材而用非其人徒以益亂自唐  
之亡也其遺毒餘酷更五代五十餘年至於天下分  
裂大壞極亂而後止迹其禍亂其漸積豈一朝一夕哉

唐書卷第二十三